

IKIZAMINI CY'IKINYARWANDA CY'AKARERE GISOZA IGIHEMBWE CYA KABIRI
AMASHURI ABANZA 2023-2024

AMABWIRIZA:

- 1. Mbere yo gutangira banza ugenzure niba ibyo bibazo byuzuye ku mapaji yose.**
- 2. Ikizamini kigizwe n'ibice bine**
 - Igice cya mbere: kumva umwandiko no gusesengura umwandiko(amanota15)**
 - Igice cya kabiri: ikibonezamvugo(amanota 10)**
 - Igice cya gatatu: ubumenyi rusange bw'ururimi(amanota 15)**
 - Igice cya kane: ihinamwandiko(amanota 10)**
- 3. Ibisubizo bigomba kuba bifututse kandi byuzuye.**
- 4. Irinde gusiribanga no guhindagura ibisubizo byawe.**
- 5. Koresha gusa ikaramu y'ubururu cyangwa ikaramu y'umukara.**

UMWANDIKO: INDWARA ZANDURIRA MU MIBONANO MPUZABITSINA.

Indwara zandurira mu mibonano mpuzabitsina ni indwara ziva ku muntu uzirwaye zikajya kuwundi mu gihe cy'imibonano mpuzabitsina. Izo ndwara ziterwa n'udukoko duto twitwa virusi, bagiteri cyangwa indiririzi; dukunda kwibera mu bice by'umubiri ahantu hashyuha kandi hahehereye, nko mumyanya ndanga gitsina y'umugore, cyangwa iy'umugabo.

Udukoko twitwa virusi dushobora gutera indwara z'umwijima bita (Hepatitis B) na SIDA. Bagiteri zigatera imitezi, mburugu, n'uburagazi na ho indiririzi zigatera Tirikomunansi n'izindi. Zimwe muri izi ndwara nka SIDA, indwara z'umwijima na mburugu zishobora kwandurira kandi muzindi nzira zitari iz'imibonano mpuzabitsina nko mu nshinge zanduye umuntu ashobora guterwa.

Impuguke zishinzwe gukumira indwara zidakira mu kigo cy'ihihugu gishinzwe ubuzima, zemezako u Rwanda ari kimwe mu bihugu bike bya Afurika bikingira abana bavutse indwara z'umwijima.

SIDA si yo yonyine ikomeye mu ndwara zandurira mu mibonano mpuzabitsina, hari nizindi nyinshi kandi mbi cyane. Uko umuntu yandura izo ndwara niko byorohera agakoko gatera SIDA kwinjira bitewe n'ibisebe biza mu gitsina.

Bimwe mu bimenyetso biranga uwanduye indwara zifata imyanya ndangagitsina ni ukuribwa kuri iyo myanya ku bagore, udusebe cyanwa uduheri ku gitsina cy'umugabo

cyangwa icy'umugore. Hari kandi amashyira aturuka mu gitsina cy'umugabo, kocyerwa igihe umuntu yihagarika, kwishimagura, kuzana ubushye no guhinda umuriro. Abana bavutse kubantu banduye bene izo ndwara bakunze kugira amashyira mu maso bakivuka. Ku bagore ho uburwayi buboneka cyane cyane mu bubobere buba mu gitsina. Gusa, akenshi abagore hari n'igihe batamenya ko banduye izo ndwara bakabibwirwa na muganga.

Indwara zandurira mu mibonano mpuzabitsina zishobora kwirindwa, mu gihe abantu bose bari mukigero cyo gukora imibonano mpuzabitsina bifashe bakareka ingeso y'ubusambanyi. Kwifata byananiranye bagakoresha agakingirizo.

Umugabo n'umugire nabo bagomba kwirinda gucana inyuma. Igihe hari ubonye kimwe mu bimenyetso byavuzwe haruhuru agomba kwisuzumisha. Uwanduye agomba kwivuza kare kandi akivuza kwa muganga ubihugukiwemo.

Iyo izi ndwara zivuye neza kandi kugihe zirakira kandi nibwo buryo bwo kwirinda ko zikwirakwira. Iyo uzindwaye ativuye, zimunga umubiri we zikanangiza imyanya ndangagitsina ku mugabo no ku mugore, bikaba byanavamo ubundi bumuga bwageza ku gucika igitsina cyangwa no gupfa.

Bana rero mwumviseko indwara zandurira mu myanya ndangagitsina ari nyinshi kandi zikanagira ingaruka zikomeye kubuzima. Nyamara kuzirinda birashoboka kandi biroroshye. Nimufate ingamba zikomeye rero kugirango zitazabamungira ubuzima.

IGICE CYA MBERE : Kumva no gusesengura umwandiko (Amanota 15)

1) Ni izihe ndwara zandurira mu mibonano mpuzabitsina zivugwa mu mwandiko?
(Vuga 3).(amanota3)

.....,,

2) Vuga uburyo bubiri twakwirindamo indwara zandurira mu mibonano mpuzabitsina?
(amanota 4)

.....
.....

3) Ni uwuhe mwanzuro ufashe umaze gusoma uyu mwandiko? (amanota 2)

.....
.....

4) Subiza YEGO cyangwa OYA ukurikije ibivugwa mu mwandiko (amanota 4)

a) Umugabo n'umugore bakwiye gucana inyuma?

b) Kwifata bikunaniye wakoresha agakingirizo?

c) SIDA ni yo yonyine ikomeye mu ndwara zandurira mu mibonano mpuzabitsina?

d) SIDA yandurira cyanecyane mu ngeso z'ubusambanyi?

5) Uzurisha amagambo ukuye mu dukubo interuro zikurikira (Ubushakashatsi, miriyoni, SIDA, igitsina) (**amanota 2**)

a) Buri munsu umuntu azigamye amafaranga igihumbi mu minsi igihumbi yaba afite

b) ntiburavumbura umuti wa..... ngo ikire burundu.

c) Uburagaza bushobora gutuma kivaho kigacika.

IGICE CYA KABIRI: IKIBONZAMVUGO (amanota 10)

6) Hindura indango z'inshinga z'interuro zikurikira (**amanota 2**)

a) Kagabo yakize imitezi

b) Sinkunda umwana utumva.

7) Vuga imimaro y'amagambo icyeho akarongo muri iyi nteruro zikurikira: (**amanota 2**)

Abaganga bafashe icyemezo cyiza.

-Abaganga:

-bafashe :

-icyemezo :

- cyiza :

8) Tahura ubwoko bw'amagambo yanditse atsindagiye (**amanota 4**)

a) **Abeza** ni bo bapfa ubusa.

Abeza:

b) Inuma nazo ziti “**gugu, gugugu!**”

Gugu gugugu!:

c) **Abanyarwanda** tugomba kugira imibereho **myiza**.

Abanyarwanda:

Myiza:

d) Umuco **nyarwanda** twusigasire.

Nyarwanda:

e) Twige indangagaciro **mu** mashuri yacu.

Mu:

9) Garagaza uturemajambo tw'amagambo atsindegiye n'amategeko y'igenamajwi yakoreshejwe **(amanota 2)**

a) **Imbeba** zibera mu miheno

Imbeba:

c) Rugwiro akaraba **udusabune** duhumura

Udusabune :

IGICE CYA GATATU : UBUMENYI RUSANGE BW'URURIMI (Amanota 15)

10) Simbuza amagambo ari mu dukubo andi yabugenewe **(amanota 4)**

a) Munezero yagiye gusura (Umwana wa mushiki we)

.....

b) Sogokuru akunda (amata y'inka yimye)

.....

c) Jya gushaka (ibyatsi basasira inka)

.....

d) (Umugore w'umwami) niwe wamukijije

.....

.....

11) Koresha iri jambo **intara** m nteruro ebyiri zidahuje inyito (**inota 1**)

.....

.....

12) Uzuza iyi migani migufi **(amanota 3)**

a) Uguhiga ubutwari

.....

b) Umwana apfa mu

.....

c) Agahwa kari kuwundi

.....

13) Vuga ibintu bitatu biranga umugani muremure.(**amanota 3**)

-.....

-.....

-.....

14) Sakwe sakwe! **(amanota 4)**

